


Q A Q O R T U P K O M M U N I A

Illoqarfiup immikkoortortaanut pilersaarussiaq H1-2

Illoqarfiup immikkoortortaanut pilersaarussiaq umiarsuit imarpikkoortaatit talittarfissaannut nutaamut quersuassamullu nutaamut tunngasoq.



Teknikikkut pisortaqarfik august 1988

Illoqarfiup immikkoortortaanut pilersaarussiaq sunaava ?

Kommunimi pilersaarusiartartut assigiinngitsut marluupput, tassalu illoqarfimmut pilersaarussiaq aammalu illoqarfiup immikkoortortaanut pilersaarussiaat. Pilersaarussiaasartut taakku landstingip peqqussutaa nr. 6 19. dec. 1986-imeersoq illoqarfiillu pilersaarusiartartarneri pillugit nalunaarut nr. 470 26. november 1979-imeersoq naapertorlugit inatsisitigut aalajangigaapput.

Illoqarfimmut pilersaarussiaq tassaavoq ingerlatsinermi tunngavissatut pingaarnarpaasoq illoqarfiillu immikkoortortaanut pilersaarussiaat tassaallutik piviusunngortitsinissami malinneqartussat. Illoqarfimmut pilersaarussiaq immikkoortunut arlalinnut aalajangersimasunut agguataagaavoq, s.ass. B1, B2, S1 il.il., taakkulu tamarmik sumut atorneqarnissaat pillugu aalajangersagaasunik immikkut nassuiaatitaqartinneqarput.

Immikkoortortat taakku iluini annertuunik sanaartortoqassatillugu kommunalbestyrelsi pisinnaatitaavoq pisussaallunilu illoqarfiup immikkoortortaanut pilersaarussiaalluni. Illoqarfiup immikkoortortaanut pilersaarussiaq piviusunngortitsinermi atugassiasoq unioqqutinneqartussaannqilaq, imaappoq siunissami pisortati-goortumik namminersortunilluunniit pissusiusut allanngortinneqasagaluarpata pilersaarussiaq naapertorlugu aatsaat tamanna pisinnaavoq.

Tamanut saqqummiunneqarnissaanut aalajangersakkat.

Inatsimmi aalajangigaavoq kommunalbestyrelsi illoqarfiup immikkoortortaanut pilersaarusiarnut siunnersuummik akuersissuteqaraangami siunnersuut naalakkersuisunut akueritinniarlugu nassiunneqartinnagu tamanut saqqummiuteqqaartassagaa. Tamanna pisassaaq siunnersuutip tamanit takuneqarsinnaasunngorlugu sivikinnerpaamik sap. akunnerini arfinilinni saqqummitinneqarneratigut. Ullormit saqqummiunneqarfianiit sivikinnerpaamik sap. akunerini arfinilinni akerliunermik nalunaaruteqarnissaq imaluunniit allanngutissaanik siunnersuuteqarnissaq periarfissaqartinneqarpoq.

Qaqortup Kommunua

ILLOQARFIUP IMMIKKOORTORTAANUT PILERSAARUSIAQ H1-2

Illoqarfiup immikkoortortaanut pilersaarussiaq umiarsuit imarpikkoortaatit talittarfissaannut nutaamut quersuas-samullu nutaamut tunngasoq.

NASSUIAAT

	qup.
Aallaqqaasiut	1
Illoqarfiup immikkoortortaanut pilersaarusiap illoqarfimmut pilersaarusiap sinnerinut qanoq tunngassuteqarnera	1
Illoqarfiup immikkoortortaanut pilersaarusiap inatsisitigut sunniutigigallagassai	2
Illoqarfiup immikkoortortaanut pilersaarusiap inatsisitigut sunniutissai	2
Saniqqutitsisinnanermut periarfissat	3
Illoqarfiup immikkoortortaanut pilersaarusiap akuersissutigineqarnissaa	3
Nunap assinga nr. 1 Killilerneqarnera	4
Nunap assinga nr. 2 Takussutissaq	5
Nunap assinga nr. 3 Illup ujaqqanit sanaap A-p nuunneqarnissaa	6
Nunap assinga nr. 4 Illup ujaqqanit sanaap B-p nuunneqarnissaa	7

MALITTARISASSARTAI

Illoqarfiup immikkoortortaanut pilersaarutip siunertai	8
Illoqarfiup immikkoortortaanut pilersaarutip killilerneqarnera	8
Immikkoortortap atorineqarnissaa	8
Nunaminertanik periarfissat	9
Sanaartugassat annertussusissaat sumilu inissinneqarnissaat	9
Sanaartugassat avatiminnit qanoq isikkoqarnissaat	9
Nunap qaani ernngup kuuffeqarnissaa aammalu teknikikut atortorisat	9
Allanngutsaalisariaqartut	10
Aningaasanut tunngasortai	10
Akuersissutaanerani atsiernerit	10
Nunap assinga nr. 5 Nunap immikkoortortaanut titartagaq	11

1. Aallaqqaasiut.

Illoqarfiup immikkoortortaanut pilersaarusiami H1-2-mi siunertarineqarpoq maanna umiarsualiviusup quersuaqarfiullu allileriffigineqarnissaat tamatumuuna KNI-p nakkutigisaasa ullutsinnut tuluarnerusumik akilersinnaanerusumillu ingerlanneqalernissaat anguniarlugu.

Tamanna ingerlanneqassaaq kangerliumarnup ilaata tulattarfiup (Kongebroen) eqqaaniittup nunniorneqarneratigut, umiarsuit imarpikkoortaatit nutaamik talittarfiliorneqarneratigut kiisalu quersuit maanna pigineqareersut allineqarnerisigut.

2. Illoqarfiup immikkoortortaanut pilersaarusiap illoqarfimmut pilersaarusiap sinnerinut qanoq tunngassuteqarnera.

Ukiut arlallit ingerlanerini KNI umiarsualivimmi, tassalu sissukkami, silaannarmi ilioraavissat aammalu quersuarni inissat eqqarsaatigalugit, periarfissakilliorsimaqaaq.

Pisariaqartitsinerup alliartuinnarnera illoqarfiup illoqarfimmit mikisumiit illoqarfimmut anginerusumut Kujataanilu qitiusutut alliartulertorsimaneranik ilaatigut patsiseqarpoq. Umiarsualivik taassumalu qanittua angallannermut inuutissarsiornermullu illoqarfiup Kujataatalu ineriartortitaanerannut pingaaruteqarluinnar-mat umiarsualiviup taassumalu qanittuata allineqarlunilu ullutsinnut naleqquttunngorsarneqarnissaa pisariaqarpoq periarfissaa-sinnaasut tamaasa atorlugit ingerlasinnaanngorlugu.

Umiarsualiviup nunataata maannakkut quersuaqarfiusup avannaa-tunga-tigut ilioraavissamik allineqarneratigut aammalu quersuaqarfiusut allineqarnerisigut siunissaq ungasinnerusoq isigalugu usingiartarnermi usilersuisarnermilu aammalu umiarsualiviup eqqaani nioqqutissanut ilioraavissatigut periarfissat akilersinnanerusumik ingerlanneqarsinnaalissapput.

1985-imiit 95-imut illoqarfimmut pilersaarusiap tunngavigisassat nassuiaatigisaani taakkorpiat aamma allaatigineqarsimapput ajornartorsiutaasullu aqutsisunut pisortaasunullu oqaluserineqarsimallutik. Tamakku tunngavigalugit illoqarfimmut pilersaarusiami umiarsualivimmut eqqaanullu tunngatillugit sanaartorfiusinnaasut A aamma B tikkuarneqarsimapput (takuuk nunap assinga 1). Illoqarfiup immikkortortaanut pilersaarusiap una sanaartorfissatut tikkuarneqarsimasumi B-mi periarfissaqarpoq. Nunaminertaq taanna illoqarfimmut pilersaarusiami umiarsualiveqarfimmi pissamaateqarfinnik quersuarnillu sanaartorfissatut immikkoortitaavoq. Nutaanik sanaartugassat illuutinut pigineqareersunut tulluarsagaassapput illuliassallu 10 meterit sinnerlugit portussuseqassanatik.

Illoqarfiup immikkoortuanut pilersaarusiap H1-2-p umiarsualivim-mik quersuaqarfinnillu allileriniarneranut atatillugu illorsuit marluk sananeqaatsimikkut kulturimullu tunngatillugu oqaluttuarisaanikkut pingaaruteqartut peerneqassapput. Tamanna illoqarfimmut pilersaarusiमितtaaq oqallisigineqarsimavoq. Tamatumani pineqarput illut ujaqqanik qarmagaasut B64 aamma B65. Qaqortumi illut allanngutsaalineqartariaqartutut isigineqartut nalunaarsorneqarfianni 1987-imi saqqummersinneqartumi aammattaaq illut taakku marluk allanngutsaalineqartariaqartutut taaneqarput.

B64 1939-imi sanaajuvuq titartaasartumit Pavia Høegh-imit titartagaalluni. Illorsuaq taanna ujaraannarmit sanaajuvuq, aappaali 1930-33-imi aalisakkanut quersuartut sanaajusoq titartaasartumit Boisen-Møller-imit titartagaasoq beton-imit sanaajuvuq qaavati-gulli ujaqqanik qarmagaalluni. Illu taanna nutaaliarpalaartutut sanaajuvuq teqeqqusigut ujaqqanik anillanganerusunik qarmagaalluni. Illut taakku marluk ilumikkut qisunnik qajannaatsorsuarnik kusanaqisunillu saanertalersugaapput. Illut taakku marluk ujaqqanik qarmagaasut sananeqaatsimikkut asseqanngillat, Kalaallillu Nunaata sinnerani assissaqaratik.

Illut taakku marluk inissinneqarsimanermikkut umiarsualiveqarfiup allineqarnissaanut akornutaapput allanullu atorineqarsinnaanissaat (nikisinnikkaluarlugit) periarfissarsiuukkuminaalluni pingaartumik maanna quersuit nutaaliaasut pillugit piumasarineqartut patsisigalugit.

Illoqarfimmut pilersaarusiame illut qanoq pineqarnissaanut periarfissaasinnaasut marluk taaneqarsimapput. Periarfissatut siullertut: Illut ingitserneqassasut, tamannali pitinnagu tamakuninnga paasisimasalimmit uppersaasiorneqassasut uuttortaanikkut, assiliortorneqarnerisigut allaaserineqarnerisigullu. Periarfissat aappaattut: Illut umiarsualiviup eqqaani aallamut nuunneqassasut allamut atorineqartussanngorlugit. Illoqarfiup immikkoortortaanut pilersaarusiap H1-2-p suliarineqarneranut atatillugu siunnersuutigineqarpoq periarfissaasinnaasoq una, tassalu illup aappaanna ingitserneqassasoq aappaali talittarfiup (Kongebroen) sanianut nuullugu inissinneqassasoq nunap assingani 3-mi aammalu 4-mi takutinneqartutut. Taamatut aqqiinissaq periarfissaasinnaavoq illut taakku marluk pingaarteqaqisut aappaata siunnessamut allanngutsaalineqarsinnaanissaanut, illup allatut atorineqarsinnaanissaa nassaarineqarsinnaasappat aningaasallu pisariaqartut pissarsiarineqarsinnaappata.

Illoqarfiup immikkoortortaanut pilersaarusiap H1-2 taamaasilluni illoqarfimmut pilersaarusiap maanna atuuttup isumaata iluaniippoq, oqaatigineqartummi illoqarfimmut pilersaarusiap 1984-imut 85-imullu tunngasup suliarineqarnerani oqaloqatigiissutigineqartarsimammata illoqarfimmi namminerme, nunap immikkoortuani kii-salu nuna tamakkerlugu pilersaarusiortartuni.

3. Illoqarfiup immikkoortortaanut pilersaarusiap inatsisitigut sunniutigigallagassai.

Illoqarfiup immikkoortortaanut pilersaarutitut siunnersuutip killigititaasa iluanni sulianik sunilluunniit aallarniisoqassanngilaq inuit amerlanerit pilersaarusiorterini oqaasissaqaqataannissaannik tamanna ajornakusoortitsilissappat imaluunniit pilersaarusiaviup imarisaanik sioqqutsisumik tamanna atuniarneruppat. Taamaattorli naammagittaalliorfiusinnaasutut killiliussap qaangiunneratigut immikkut pissutissaqartillugu qanoq iliuuseqar-niarneq akuersissuteqarfigineqarsinnaavoq illoqarfiup immikkoortortaanut pilersaarusiame siunnersuummi aalajangersagaasunut tamanna naleqquppat. Qanoq iliuuseqarnissat akuersissutaareersimasut maannakkutut ingerlaannassapput.

4. Illoqarfiup immikkoortortaanut pilersaarusiap inatsisitigut sunniutissai.

Illoqarfiup immikkoortuanut pilersaarussiaq akuersissutigineqariapat inatsisitigut sunniutissai makku atuutilissapput.


Illoqarfiup immikkoortortaanut pilersaarusiap naggataarutaasumik akuersissutigineqarsimasup killigititaasa iluanni sulianik sunilluunniit illoqarfiup immikkoortuanut pilersaarusiame aalajangersagaasunut akerliusunik aallarniisoqassanngilaq. Immikkulli pisutissaqartillugu allaassuteqarnerit pingaaruteqarluannngitsut immikkut akuersissutigineqarsinnaapput. Allaassuteqarnerit pingaaruteqarnerusut illoqarfiup immikkoortortaanut nutaamik pilersaarusiornissaq pisariaqartippaat. Qanoq iliuuseqarnissat akuersissutaareersimasut maannakkutut ingerlaannassapput.

5. Sanioqqutsisinnanermut periarfissat.


Illoqarfiup immikkoortortaanut pilersaarusiame akuersissutaasumi aalajangersakkanik allannguuteqartitsinissat pingaaruteqarluannngitsut kommunalbestyrelsimit akuersissutigineqarsinnaapput, tamatumuuna pilersaarutip imarisai pingaarnerusut aammalu pilersaarutip atortinneqarnissaa attorneqassanngippata.

6. Illoqarfiup immikkoortortaanut pilersaarusiap akuersissutigineqarnissaa.


Kommunalbestyrelsip illoqarfiup immikkoortortaanut pilersaarussiaq tamanut saqqumitinneqarfiata qaangiunneratigut akuersissutigereeriarpagu taava pilersaarussiaq atortuulersinniarlugu (akueritinniarlugu) naalakkersuisunut saqqummiunneqassaaq.




<p>LOKALPLAN FOR NY ATLANTKAJ OG NYT HAVNEPAKHUS</p>		<p>kortbilag nr</p>
<p>rammeområdegrænse</p> <p>adgangsvej</p> <p>byggefelt</p>	<p>—————</p> <p>→ —→</p> <p>▒ A ▒</p>	<p>Rammebeskrivelseskort fra byplan 1985-95</p> <p>Qaqortoq kommune</p>
		<p>1</p>




LOKALPLAN FOR NY ATLANTKAJ OG NYT HAVNEPAKHUS		kortbilag nr
lokalplangrænse	oversigtskort mål 1:2000	2
Qaqqortoq kommune		



<p>LOKALPLAN FOR NY ATLANTKAJ OG NYT HAVNEPAKHUS</p>		<p>kortbilag nr</p>
	<p>Flytning af stenpakhus mål 1:2000</p>	<p>3</p>
	<p>Qaqortoq kommune</p>	



LOKALPLAN FOR NY ATLANTKAJ OG NYT HAVNEPAKHUS		kortbilag nr
	Flytning af stenpakhus	4
	Qaqortoq kommune	

Par. 1. Illoqarfiup immikkoortortaanut pilersaarutip siunertai.

stk. 1.1. Illoqarfiup immikkoortortaanut pilersaarutip isumannaal-
lisassavai:

1. Umiarsualiviup taassumalu eqqaata ukiut ungasinneru-
sut eqqarsaatigalugit piorsaavigineqarnissaata assigiin-
ngitsutigut ataatsimut atatinneqalernissaat.

2. Immikkoortortap pilersaarusi orfigineqartup inuutis-
sarsiutinut kiffartuussinernullu umiarsualivimmik pisa-
riaqartitsisunut inniminnigaanissaa.

3. Kangerliumarngup ilaani talittarfiup (Kongebroen)
eqqaani nunniortoqarnissaa umiarsualivimmut atatillugu
atorneqartussamik.

4. Nunniukkap kangiani umiarsuarnut imarpikkoortaatitut
talittarfissamik nutaamik sanasoqarnissaa.

5. Quersuaqarfiup nutaamik alliliinikkut annertuneru-
lersinneqarnissaa.

6. Quersuatoqqat ujaqqanik sanaasut marluk sananeqarner-
mikkut eriaginaateqartut matuma kingornamut uppersarsaa-
siorneqarnermikkut nuunneqarnermikkulluunniit isumannaal-
lisarneqarnissaat.

Par. 2. Illoqarfiup immikkoortortaanut pilersaarutip killiler-
neqarnera.

stk. 2.1. Illoqarfiup immikkoortortaanut pilersaarussiaq nunap as-
singani nr. 5-imi takutinneqartutut killilerneqarpoq,
tassanilu ilaatinneqarput illut B64 aamma B65.

Par. 3. Immikkoortortap atorneqarnissaa.

stk. 3.1. Immikkoortortaq umiarsualiveqarnermi siunertarisanuin-
naq aammalu inuutissarsiutinut kiffartuussinernullu umi-
arsualiviup ingerlanneqarneranut pisariaqartunut tullu-
artunullu kisimi atorneqassaaq.

stk. 3.2. Immikkoortortami sananeqarsinnaasutuaassapput quersua-
qarfissat, peqqumaateqarfissat (usinut) aammalu umiar-
suarnut imarpikkoortaatitut talittarfissaaq.

stk. 3.3. Kommunalbestyrelsipissutsini immikkut ittuni inissiamik
imaluunniit pisortaqarfissamik sanasoqarnissaanik akuer-
sissuteqarsinnaavoq uppersarsarneqarsinnaappat taakku
umiarsualiveqarfiup ingerlatitsineranut pingaaruteqar-
luinnartuussasut.

stk. 3.4. Sissiugaq taassumalu avatinnguaniittoq imaq angallatit
pitussimasut tamanilu pisassaqaqtut kisimik atorsinnaas-
savaat.

stk. 3.5 Sissiugartaassap saneraatigut nunaminertaqassaaq kik-

Künnilluunniit aqputigineqarsinnaasussamik. (takuuk nunap assinga nr. 5).

Par. 4. Nunaminertanik periarfissat.

stk.4.1. Nunaminertat silamiittut peqqumaasivittut atorpeqartussat ungaluneqarlutillu asfaltimik qallersorneqassapput. Ungalut qanoq inissisimanissaat kommunalbestyrelsimut isumaqatigiinniutigineqassaaq.

Par. 5. Sanaartugassat annertussusissaat sumilu inissinneqarnissaat.

stk 5.1 Quersuit allineqarfissaat nunap assingani nr. 5-imi takutinneqartumiippoq.

stk 5.2 Nunaminertap sanaartorfiussap illoqarfiup immikkoortortaanut pilersaarusiap periarfissaata 50%-ia sinnersimas-sanngilaa.

stk 5.3 Sanaartugassat nunaminertap asfaltimik qalligaasussap portussusianiit 10 meterit sinnerlugit portussuseqassanngillat.

stk 5.4 Kommunalbestyrelsip nunaminertami tamaani illunik mikinerusunik ataasiakkaanik (pisariaqartitsineq malillugu) sanasoqarsinnaanissaa akuersissutigisinnaavaa.

Par. 6. Sanaartugassat avatiminnit qanoq isikkoqarnissaat.

stk 6.1 Illut snaneqartussat silatimikkut saviminermik qalligaasapput quersuarmit pigineqareersumit qalipaatemikkut ilusimikkullu allaassuteqaratik, imaappoq nutaat pisoq-qallu sananeqaatsimikkut tulluaqatigiissallutik.

stk 6.2 Qaliaasa qaavi pappialarsuarmik qernertumik quersuup maanna pigineqareersup qalliutaata assinganik qallerneqassapput taassumalu qaliaata sivinganeratulut sivingassuseqassallutik.

stk 6.3 Qaliaasa ilusilerneqarneri quersuup pigineqareersup qaliaanut tulluuartuussapput taassumatullu sivinganeqassallutik.

stk 6.4 Allagartalersorneqarnissai takoqqusaarutigineqarnissaalu qanoq annertutigissanersut kommunalbestyrelsip kisimi alajangiiffigisinnaavai.

stk 6.5 Umiarsualiviup eqqaata nutaaliorfiusussap qaammaqqusersorneqarnissaa maanna qaammaqutaasunut tulluuartuussaaq kommunalbestyrelsimut akuerineqartussanik.

Par. 7 Nunap qaani ernngup kuuffeqartariaqarnera aammalu teknikkikutatortorisassat.

stk 7.1 Nunap qaani imeq nunaminertap asfaltimik qalligaasussap immap tungaanut sivingalaartumik sananeqarneratigut kuut-sinneqartassaaq.

stk 7.2 Imeqarfissat kuuffissallu (kloak) kommunalbestyrelsip ilit-sersuutai naapertorlugit inissinneqassapput.

stk 7.3 Uuliamik, benzinamik, toqunartunik assigisaannilluunniit umiarsualiviup nunaminertaani, kuuffinni imaluunniit umiarsualiviup imarnersaanut igitsineq inertequtaavoq.

Par. 8 Allanngutsaalisariaqartut.

stk 8.1 Illutoqqat ujaqqanik qarmagaasut B64-ip B65-illu allanngutsaalisariaqartutut isigineqartut ingitserneqarnissaat peerneqarnissaallu Kalaallit Nunaata Katersugaasiviata kommunalbestyrelsillu taakku qanoq pineqarnissaat pillugu isumaqatigiissuteqareerneratigut aatsaat pisinnaavoq.

stk 8.2 stk. 1-imi taaneqartut illut B64 aamma B65 oqaaseqaammi allassimasut unioqqutillugit peerneqassagaluarpata tamatumani akisussaasoq taarsiinissaminut pisussaatinneqassaaq illut taakku sanaqqinneqarnissamut akissaasa nalinginik.

Par. 9 Aningaasanut tunngasortai.


stk 9.1 Umiarsualiviup imartaata ujaqqanik immerlugu nunniorneqarnissaani, taassuma asfaltimik qallersorneqarnissaani (pequmaateqarfissatut), sissigaliorneqarnissaani qullilersorneqarnissaani kuuffilersorneqarnissaanilu tamakkuninga sanatitsisoq akiliisussaavoq.

stk 9.2 Tamakkuninga sanatsisoq annertussusii aalajangikanneerlugit illorsuit ujaqqanik sanaajusut uppernarsaasiorneqarnissaannut aammalu nuuneqassagaluarpata aningaasartuutissanut aningaasatigut ikiutussaavoq.

Par 10. Akuersissutigineqarneranut atsiorneq

Illoqarfiup immikkoortortaanut pilersaarussiaq kommunalbestyrelsimit akuersissutigineqarpoq

d..... 1988




Henrik Lund
borgmester



Leif Ellebæk
kommunaldirektør

Illoqarfiup immikkoortortaanut pilersaarussiaq H2-1 kommunalbestyrelsimit akuersissutigineqarpoq


d..... 1988



Henrik Lund
borgmester



Leif Ellebæk
kommunaldirektør



LOKALPLAN FOR NY ATLANTKAJ OG NYT HAVNEPAKHUS		kortbilag nr 5
lokalplanområdegrænse indhegning byggefelt	Lokalkort mål 1:500 Qaqortoq kommune	

